



16. marts 2009

Inatsisartut suleriaasianni § 36, imm. 1 najoqqutaralugu Naalackersuisunut apeqqut imaattoq matumuunna saqqummiuppara:

1. Kalaallit Nunaanni illoqarfiit tamakkerlugit nunallu immikkoortuini piffinni assigiingitsuni taamaaqgataanni ukiumut 3000 tons sinnerlugit CO₂ -mik aniatitsisartut pillugit Naalackersuisut nassuiaateqaqqullugit kissaatigineqarpoq. Tamatumunnga ilanngullugit nasuiaatigeqqunearput nunami sumiiffiit, sulissiveqarfiit/suliffeqarfiit aqqi sumiiffiilu, ukiullu kingulliit pingasut CO₂-mik qanoq annertugisumik silaannarmut aninatitsisimansut.

2. CO₂-mik aninatitsinerup millisarnissaannut Kalallit Nunaata pisussaaffii eqqarsaatigalugit, Naalackersuisut politikikkut suut anguniagaraat?

3. Ungasinngitsukkut Aningaasaqarnermut Naalackersuisup ilisimatitsisutigaa, aatitassarsiortut CO₂-mik pisinissaat Landskarsimit akilerneqassasoq. Taammaatoqassappallu aatitassarsiorniarluni pilersaarutaasuni Tunumi, nunatta kujataanni qeqqanilu ukiuni aggersuni qanittumi piviusunngussappata, qanoq annertutigisumik aningaasartuutaasappat?

4. Naalackersuisut qanoq naliliippat, avataanit aningaasaliiumasunut piumasarineqassappat, CO₂-mik pisinissamut ingerlatseqatigiiffiit nammineq pisinertik aningaasartuutigissappatigik?

5. Qanoq annertutigisumik akisussaaffigalugit sakkutooqarfimmi Pituffimmi CO₂-mik aniatitsisoqarnermoq Nalaalackersuisut ilisimaqarpat? Pituffimmi CO₂-mik aniatitsineq kikkut naatsorsuutaanni ilaappat, Danmarkip, imaluunniit Kallaallit Nunaatta?

Tungavilersuut

Ajuusaarnaqaaq Naalackersuisut qanittumi silaanaap allanngoriartornera pillugu taama annikitsigisumik politikikkut imalimmik saqqummiussaqaarmata. CO₂-mik aniatitsinerup millisinneqarnissaannut nalunaarusiami pineqartumi, Kalaallit Nunaata CO₂-mik aniatitsinerata 54%-inik CO₂-mik aniatitsinerup annikillisisinissamik, Kyoto-mi isumaqatigiissutip 2012-ip tungaanut anguniagaasumi. Tamanna tutsutiginnangilaq. Sinneruttummi 46% qanoq iliuuseqarfigineqassappat? Nalunaarusiami amigaatigaarput Naalackersuisut Kyoto-mi isumaqatigiissummut attillugu siunnerfigisaanik politikianillu!

CO₂-mik aniatitsinerup millisarnissaannut sakkugineqarsinnasut ilagaat, ikuallaaviit kiammik aniatitsinerata atorneratigut, illut qanittuaniittut kiassarnissaannik periarfissat. Inuit Ataqatigiinni qularinngilluinnarparput, Kalaallit Nunaanni CO₂-mik aniatitsinerup annikillisarnissaannut periarfissarpassuaqartoq. Tamatumani eqqumaafigisassat ilagaat inissialiortitsernerup annertunerusumik isiginiarneqarnissaa annertunerusumillu

inissiaareersut pitsaasusaat eqaarsaatigalugit iliuuseqarnissaq. Taammaattumik inatsisiliortuusugut pisariaqartipparput nunatsinni qanoq annertutigisumik CO2-mik aniatitsisoqarnera nunap assingani takussinnaasallugu.

Ullut suliffiit qulit qaangiutsinnagit apeqquteqaatigisama itisilerluarneqarsimasunik akissuteqarfigineqarnissaannik kissaateqarpunga.

Josef Motzfeldt
Inatsisartunut ilaasortaq, Inuit Ataqatigiit